

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- पहलगाम च होए दे आतंकी हमले मगरा सीसीएस नै 5 बड्डे फैसले लैते जेह्दे च सिंधु जल समझौता रद्द करना ते अटारी बार्डर गी बंद करना शामिल ऐ।
- जम्मू कश्मीर सरकारै पहलगाम च होए दे आतंकी हमले दी निंदेया कीती। मंत्री परिषद उपराज्यपाल प्रशासन कन्नै रलियै कम्म करोग तां जे हर नागरिक दी सुरक्षा जकीनी बनी सकै।
- जम्मू कश्मीर मंत्र परिषद नै विधानसभा दा विशेष सदन सदने लेई उपराज्यपाल होरें गी सलाह दित्ती।
- मुख्यमंत्री उमर अब्दुल्ला होरें अज्ज श्रीनगर च सर्वदलीय बैठक सददी। एह बैठक पहलगाम आतंकी हमले दी पछोकड़े च होआ'रदी ऐ।
- जम्मू ते कश्मीर ते लद्दाख हाई कोर्ट नै पहलगाम आतंकी हमले च मारे गेदे लोकें गी श्रद्धांजलि भेंट कीती ते दिव्यत आत्माएं दी शाति लेई 2 मिंटे दा मौन बी रखेआ।

<><><><><><>

Indian-Measures

भारत नै पहलगाम आतंकी हमले दे मगरा सख्त उपाए कीते न जेह्दी पछाकड़े च सिंधु जल संधी 1960 गी मुअत्तल करना ते तुात प्रभाह कन्नै अटारी एकीकृत चैक पोस्ट गी बंद करना शामिल ऐ। सुरक्षा कन्नै जुड़ी दी कैबिनेट कमेटी नै कल संजा प्रधानमंत्री नरेन्द्र मोदी हुंदे आवास पर बैठक च समग्र सुरक्षा हालत दी समीक्षा कीती ते सब्बने बलें गी मता चौकना बने रौहने दा हुक्म दित्ता। नमीं दिल्ली च विदेश सचिव विक्रम मिसरी होरें इस बारे मीडिया गी जानकारी दित्ती। विदेश सचिव होरें दस्सेआ जे नमीं दिल्ली च पाकिस्तानी उच्चायोग च रक्षा, सैन्य, नौसैनिक ते वायु सेना सरबंधी सलाहकारें गी च्मतेवदं छवद.ळतंजं घोशत कीता गेआ ऐ ते उनेंगी इक हफ्ते च भारत छोड़ने लेई आखेआ गेआ ऐ। भारत इस्लामाबाद च भारतीय उक्ष्त्रयोग थमां अपने रक्षा, नौसेना, वायु सेना सलाहकारें गी वापस सददी लैता ऐं मिसरी होरें दस्सेआ जे सरबंधत उच्चयोग च एह औहदे गी रद्द कीते गेदे मन्ने जंदे न। विदेश सचिव होरें आखेआ जे पैहली मई तगर उच्च आयोगें दी

गिनतरी गी 55 थमां घटाइयै 30 करी दित्ता जाग। सीसीएस दे फैसले बारे प्रतिक्रिया दिंदे होई जम्मू कश्मीर दे साबका उपमुख्यमंत्री ते बीजेपी दे नेता कविन्द्र गुप्ता होरें आखेआ.....

<><><><><><>

Cabinet Meeting

मुख्यमंत्री उमर अब्दुल्ला हुंदी अध्यक्षता च जम्मू कश्मीर च इक मंत्री परिषद दी महत्वै आली बैठक लग्गी। एह बैठक पहलगाम च होए दे आतंकी हमले मगरा होई। इस बैठक दा हमले च मारे गेदे लोकें दे परोआरें प्रति हमदर्दी जाहर कीती गई। मंत्रिएं इस हमले पर डूंहगर दुख जाहर कीता, इस हमले दी सब्बने सख्त लफजें च निंदेआ कीती। मारे गेदे लोकें दी आत्मा दी शांति ते उंदे प्रति सम्मान जाहर करने लेई 2 मिंटें दा मौन बी रखेआ गेआ। मंत्री परिषद नै उपराज्यपाल हुंदे प्रशासन आलिएं कम्म करने दी वचनबद्धता जाहर कीती तां जे हर नागरिक दी सुरक्षा खास करी सैलानिएं दी सुरक्षा जकीनी बनाई जाई सकै।

<><><><><><>

Cabinet -LG

मुख्यमंत्री उमर अब्दुल्ला हुंदी अध्यक्षता च होए दे जम्मू कश्मीर मंत्रर परिषद दी बैठक लग्गी। जेह्दे च उपराज्यपाल मनोज सिन्हा गी विधान सभा दा 25 अप्रैल 2025 गी जम्मू च बडलै साढ़े 10 बजे विशेष सत्र सद्दने दी सलाह दित्ती गई।

<><><><><><>

CM All Party Meet

पहलगाम आतंकी हमले मगरा मुख्यमंत्री उमर अब्दुल्ला होरें अज्ज श्रीनगर दे शोरे कश्मीर अंतर्राष्ट्रीय कनवेंशन सेंटर च दपैहरी 3 बजे सर्वदलीश बैठक सद्दी ऐ। सोशल मीडिया दी इक पोस्ट च मुख्यमंत्री होरें आखेआ जे पहलगाम च होए दे आतंकी हमले दे सरबंधे च एह बैठक सद्दी गई ऐ। अपने पोस्ट च उमर होरें लिखेआ जे उनें सारे राजनीतिक दलें जम्मू कश्मीर दे सांसदें ते विधानसभा च विपक्ष दे नेता गी बैठक च शामिल होने दा साद्दा दित्ता ऐ।

<><><><><><>

Special Trains

फसे दे यात्रुएं दी मदाद ते भीड़ गी घट्ट करने आस्तै श्री माता वैष्णो कटड़ा थमां ते जम्मू थमां खास रेल गड्डियां चलाइयां जा'रदियां न। एह्दे अलावा इक होर रेलगड्डी बी जम्मू तवी रेलवे स्टेशन थमां अज्ज चलोग। इस ट्रेन दा नंबर 804614 एसवीडीके-एनडीएलएस रिजर्व सुपरफास्ट स्पेशल एक्सप्रेस अज्ज बडलै साढ़े 10 बजे जम्मू रेलवे स्टेशन थमां रवाना होग। फसे दे यात्रुएं गी ताकीद कीती जा'रदी ऐ जे ओहअपनी बुकिंग जम्मू रेलवे स्टेशन पर करान।

<><><><><><>

HC-Mourn

जम्मू कश्मीर ते लद्दाख हाई कोर्ट दी जम्मू ते श्रीनगर विंग नै पहलगाम आतंकी हमले च जाने मुआने आले प्रति अपना दुख प्रगट कीता। हाई कोर्ट दी जम्मू विंग नै कल इस हमले च जाने मुआने आले दे सौग च इक बैठक लाई। इस बैठक दी अध्यक्षता न्यायधीश अरुण पल्ली ते मुख् न्यायधीश होरें कीती जेह्दे च सब्ब बैठे दे जज मजूद हे ते इस बैठक च 2 मिंटे दा मौन बी रखेआ गेआ। इसै चाल्ली हाई कोर्ट दी श्रीनगर विंग नै बी इस हमले च जान मुआनें आलें गी श्रद्धांजलि देने लेई आयोजित सौग सभा च दो मिंटे दा मौन रखेआ।

<><><><><><>

Distt HQ-Mourn

जम्मू खित्ते दे बक्ख-बक्ख जिला मुख्यालय दे अफसरें ते अधिकारिएं पहलगाम च होए दे आतंकी हमले थमां प्रभावत लोकें गी कल श्रद्धांजलि भेंट कीती। पहलगाम आतंकी हमले च होए दे प्रभावत लोकें कन्नै इक जुट्टता दस्सने लेई सांबा, एधमपुर, रियासी, रामबन, डोडा, राजौरी ते पुंछ दे जिला प्रशासन दे अफसरें ते अधिकारिएं अपने डिप्टी कमीशनरें दी सगुआई च अपने अपने जिले दे मुख्यालय रु आयोजित सौग बैठकें च 2 मिंटे दा मौन धारण कीता। सरबंधत डिप्टी कमीशनरें इस हादसे च अपनी जान मुहाई देने आलें दे परोआरें कन्नै दिलै थमां अपनी संवेदना जताई ते जख्मिएं दे तौले नरोए होने दी कामना कीता।

<><><><><><>

World ImmunizationI

विश्व सेहत संगठन (डब्ल्यूएचओ) आस्सेआ विश्व टीकाकरण सप्ताह 2025 अज्जै थमां दुनिया भरै च शुरू होग। हफ्ते भर चलने आली एह् मुहिम इस म्हीने दी 30 तरीक तोड़ी चलोग.....

<><><><><><>

Training Calendar

जम्मू दे राई-बाई पैदावार ते करसानें दे कल्याण सरबंधे मैहकमे दे निदेशक अरविंदर सिंह रीन होरें कल किसान केन्द्र तलाब तिल्लो जम्मू च ट्रेनिंग कलंडर 2025-26 दी शुरूआत कीती। अपने संबोधन च निदेशक होरें इस गल्लै पर लोह पाई जे ट्रेनिंग कलंडर च करसानें ते अफसरें दौनें लेई 28 डिविजन सतह दे निर्माण कार्यक्रमें दी पेशकश कीती गई ऐ जिंदे च टिकाऊ राई-बाई ते तकनीकी तरक्की पर मता ध्यान दित्ता गेदा ऐ। जायंट डॉक्टर सतीश शर्मा होरें करसानें ते अफसरें दी क्षमताएं गी बधाने, नमिएं काह्डें गी बढ़ावा देने ते राई-बाई बोर्ड च टिकाऊपन गी बढ़ावा देने लेई अपनी प्रतिबद्धता पर जोर भरेआ।

<><><><><><>

Handicraft Awards

कपड़ा मंत्रालय दे दस्तकारिएं सरबंधी विभाग दे विकास कमिशनर हुं दे दफ्तरै बड़ी मती प्रतिष्ठा आहले राश्ट्री दस्तकारी अवार्ड 2024 लेई आवेदन मंगे न। 30एं बरें तगर दी उम्री दे कारीगर ते घट्टोघट्ट 10एं बरें दे तजुर्बे आहले एहदे शा मती उम्री दे कारीगर बी इस राश्ट्री अवार्ड लेई आवेदन करी सकदे न। इससै चालली 20एं बरें तगर दे तजुर्बे आहले ओकड़े कारीगर जिं दी उम्र 50एं बरें शा मती ऐ, ओह शिल्प गुरु अवार्ड लेई आवेदन करी सकडन। मंत्रालय आसेआ कुल 25 पुरस्कार भेंट कीते जाडन जिं दे चा 6 शिल्प गुरु अवार्ड ते 19 राश्ट्री अवार्ड होडन। आवेदन जमा करोआने दी खीरी तरीक 12 मई ऐ। इच्छुक कारीगर, एहदे लेई अखनूर रोड जम्मू च स्थित हैंडीक्राफ्ट सर्विस सेंटर कन्नै राबता करी सकदे न जां फही वैबसाईट जां फही वैबसाईट www.handicrafts.gov.in पर जाइयै मती जानकारी लेई सकदे न। योग्यता मानदंड, दिशा निर्देश ते होर दुए ब्यौरे इस वैबसाईट उप्पर एपलब्ध न।

<><><><><><>

Summary Revision

बडगाम ते नगरोटा विधानसभा हल्के च मतादाता सूचिएं दी चला'रदी विशेष नजरसानी आला कम्म जेहड़ा 8 अप्रैल 2025 गी शुरू होआ, ओ अज्ज संपन्न होआ'रदा ऐ। ईआरओ आस्सेआ दावे ते ऐतराजें बारे सूचि तैआर कीती गई ऐ। पारदर्शिता ते लोकें दी शमूलियत गी जकीनी बनाने लेई इसी मुत्तलका ईआरओ दफ्तर दे नोटस बोर्डपर लाया जाग। उह सूचियां जम्मू ते कश्मीर दे मुख चुनां अधिकारी हुंदी अधिकारिक वैबसाईट www.ceojk@nic.in पर बी उपलब्ध रौंहगन।

<><><><><><>